

დამტკიცებულია:

„აუდიტორთა, ბუღალტერთა და ფინანსურ მენეჯერთა ფედერაციის“
გამგეობის 2016 წლის 10 ოქტომბრის სხდომის გადაწყვეტილებით

ა(ა)იპ „საქართველოს აუდიტორთა, ბუღალტერთა და ფინანსურ მენეჯერთა პროფესიული ფედერაციის“ წევრობის კომიტეტის დებულება

1. ზოგადი დებულებები

1.1. წევრობის კომიტეტი (შემდგომში „კომიტეტი“) წარმოადგენს საქართველოს აუდიტორთა, ბუღალტერთა და ფინანსურ მენეჯერთა პროფესიული ფედერაციის (შემდგომში „საბფმფ“) მუდმივმოქმედ ორგანოს;

1.2. „კომიტეტი“ შექმნილია საქართველოს კანონმდებლობის, აგრეთვე „საბფმფ“ - ის წესდების მოთხოვნებიდან გამომდინარე;

1.3. წინამდებარე დებულება არეგულირებს „წევრობის“ კომიტეტის სტრუქტურული მოწყობის და ფუნქციონირების საკითხებს;

1.4. „კომიტეტი“ თავის მუშაობაში ხელმძღვანელობს წინამდებარე დებულებით, „საბფმფ“ - ის წესდებით, „საბფმფ“ - ის წევრთა საერთო კრებისა და „საბფმფ“ -ის გამგეობის გადაწყვეტილებით; ფედერაციის გამგეობის თავჯდომარის განკარგულებებით, ქვეყანაში მოქმედი საკანონმდებლო აქტებით, აგრეთვე შესაბამისი საერთაშორისო ნორმებითა და სტანდარტებით;

1.5. დებულების განხილვა, დამტკიცება, მასში ცვლილებებისა და დამატებების შეტანა, აგრეთვე მისი გაუქმება წარმოადგენს ფედერაციის გამგეობის კომპეტენციას;

2. „კომიტეტის“ მიზნები და ამოცანებია:

(ა) „ფედერაციის“ წევრობის კომიტეტის პოლიტიკის განსაზღვრა;

(ბ) საქართველოს მასშტაბით მოქმედ აუდიტორულ კომპანიებთან, ინდივიდუალური პრაქტიკის მქონე ფიზიკური პირებთან, ბუღალტრებთან, ფინანსურ

მენეჯერთან, ფინანსურ სფეროში მოღვაწე და დამწყებ პირთა გაწევრიანება, აგრეთვე მათი მოზიდვა „ფედერაციაში“ გასაწევრიანებლად;

(გ) მსგავსი საერთაშორისო პროფესიულ ორგანიზაციების გამოცდილების გაზიარება წევრთა მოზიდვისას;

(დ) წევრების რეგისტრაცია, ინფორმირება და პროფესიულ სიახლეების ცვლილებებთან დაკავშირებით. აუდიტორთა ბუღალტერთა საერთაშორისო ორგანიზაციებში „ფედერაციის“ გაწევრიანებისთვის აუცილებელი ქმედებების განხორციელება.

2.1. „კომიტეტის“ კომპეტენციაში შემავალ საკითხებთან დაკავშირებით „კომიტეტის“ გადაწყვეტილებები სავალდებულო შესასრულებელია „ფედერაციის“ წევრებისთვის.

3. „კომიტეტის“ შემადგენლობა და გადაწყვეტილებების მიღების წესი

3.1. ფედერაციის კომიტეტის ხელმძღვანელი ინიშნება გამგეობის გადაწყვეტილებით. კომიტეტის შემადგენლობას განსაზღვრავს კომიტეტის ხელმძღვანელი და მისი წარდგინებით ამტკიცებს გამგეობა;

3.2. „კომიტეტის“ შემადგენლობა ფორმირდება „ფედერაციის“ სამი წევრისაგან, რომლებიც ინიშნებიან გამგეობის მიერ სამი წლის ვადით. აღნიშნული ვადის ამოწურვის შემდგომ „კომიტეტის“ წევრებს უნარჩუნდებათ უფლებამოსილება ახალი წევრების არჩევამდე.

3.3. „კომიტეტის“ თავმჯდომარე იწვევს და ხელმძღვანელობს „კომიტეტის“ სხდომებს, აგრეთვე წარმოადგენს მას „ფედერაციის“ გაბგეობის ან/და წევრთა საერთო კრებაზე. თავმჯდომარის არ ყოფნის შემთხვევაში, „კომიტეტის“ სხდომას ხმის უფლების გარეშე ხელმძღვანელობს „ფედერაციის“ გამგეობის თავმჯდომარე (პრეზიდენტი). „კომიტეტის“ სხდომა გადაწყვეტილება უნარიანია, თუ მას ესწრება მისი შემადგენლობის ნახევარზე მეტი.

3.4. „კომიტეტის“ გადაწყვეტილების მისაღებად აუცილებელია მისი სრული შემადგენლობის ორი მესამედი.

3.5. „კომიტეტის“ გადაწყვეტილებები დგება ოქმის სახით, რომელსაც ხელს აწერს ყველა დამსწრე წევრი.

4. „კომიტეტის“ კომპეტენცია

4.1. „კომიტეტის“ კომპეტენციაში შედის:

(ა) „ფედერაციის“ სახელით ფიზიკურ ან/და იურიდიულ პირთა მოზიდვა და რეგისტრაცია;

(ბ) საქართველოს კანონმდებლობის და „ფედერაციის“ წესების შესაბამისად წევრთა რეესტრის წარმოება;

(გ) წევრთა კატეგორიების განსაზღვრა;

(დ) წევრთა საწევროების გადახდის წესის განსაზღვრა და ნიხრების დადგენა;

(ე) წევრთა ინფორმირება როგორც ფედერაციის აგრეთვე პროფესიაში არსებული ცვლილებების შესახებ;

(ვ) წევრებისათვის ლექციების ჩატარება, პრეზენტაციების წარდგენა, ფორუმებთან დაკავშირებით ინფორმაციის მიწოდება;

5. ფედერაციის წევრობის კატეგორიებია:

- **წევრი** – ფიზიკური პირი (ბუღალტერი, სერტიფიცირებული ბუღალტერი (აუდიტორი), აუდიტორის სერტიფიკატის მამიებელი, ფინანსური მენეჯერი, საგადასახადო კონსულტანტი), რომელიც იხდის საწევრო გადასახადს, სარგებლობს ხმის და მმართველ ორგანოებში არჩევის უფლებით, უპირატესობით და პრივილეგიით. ფედერაციის დამფუძნებელი ამავედროულად ფედერაციის წევრია;

- **ასოცირებული წევრი** – ფიზიკური პირი, რომელიც არ სარგებლობს მმართველ ორგანოებში არჩევის უფლებით, სარგებლობს წევრთათვის ამ წესდებით განსაზღვრული ყველა სხვა უფლებით, იხდის საწევრო გადასახადს დადგენილი განაკვეთის ოდენობით. ასოცირებული სტატუსით წევრობა დასაშვებია 2 წლის ვადით. აღნიშნული ვადის გასვლის შემდეგ, ასოცირებულმა წევრმა, შესაბამისად, ფედერაციის გამგეობამ უნდა

მიიღოს გადაწყვეტილება მისი ნამდვილ წევრად შეცვლის თაობაზე. სხვა შემთხვევაში, პირს ასოცირებული წევრის სტატუსი უწყდება;

სტუდენტი წევრი - ამ სტატუსს მიიღებს სასწავლო ცენტრის ან ფედერაციის მიერ ორგანიზებული სწავლების კურსდამთავრებული ან ფედერაციაში საწარმოო პრაქტიკაზე მივლინებული უმაღლესი საგანმანათლებლო სასწავლებლის ბაკალავრი ან მაგისტრანტი, რომელიც განაცხადებს მზადყოფნას სწავლების დასრულების შემდგომ მოიპოვოს ფედერაციის ასოცირებული ან წევრის სტატუსი დადგენილი პროცედურების შესაბამისად. ფედერაციის სტუდენტი წევრი იხდის წევრობის სიმბოლურ გადასახადს დადგენილი განაკვეთით. სტუდენტის სტატუსით წევრობა დასაშვებია 6 თვემდე ვადით. აღნიშნული ვადის გასვლის შემდეგ, სტუდენტმა წევრმა, შესაბამისად, ფედერაციის გამგეობამ უნდა მიიღოს გადაწყვეტილება მისი სტატუსის ასოცირებულ წევრად ან წევრად შეცვლის თაობაზე. სხვა შემთხვევაში, პირს სტუდენტი წევრის სტატუსი უწყდება;

პირი, რომელიც აქტიურადაა ჩართული ფედერაციის საქმიანობაში ან მხარს უჭერს მისი მიზნებისა და ამოცანების გადაწყვეტას, ისარგებლებს სპეციალური სტატუსით (დეტალები განიხილება პერსონალურად).

ფედერაციის წევრობისთვის აუცილებელია თანდართული განაცხადის ფორმით მიმართოთ გამგეობას და შეავსოს ანკეტა.

წლიური საწევრო შენატანი წევრისთვის შეადგენს **60** ლარს; ასოცირებული წევრებისთვის - **12** ლარს; სტუდენტი წევრისთვის - **6** ლარს. გაწევრიანებისთვის ერთჯერადი გადასახადი შეადგენს **5** ლარს. ფედერაციის წევრებზე გაიცემა შესაბამისი მოწმობა.

იურიდიულ პირებს (მათ შორის, აუდიტორულ კომპანიებს), სურვილის შემთხვევაში, შეუძლიათ ისარგებლონ ფედერაციის წევრის სტატუსით და პრივილეგიებით. იურიდიული პირის, როგორც ფედერაციის წევრის მონაწილეობა ფედერაციის მართვაში ხორციელდება მისი წარმომადგენლობითი უფლებამოსილების მექონე პირის მიერ.

იურიდიულ პირებს შეუძლიათ ფედერაციას გაუწიონ სპონსორობა, გაიღონ შენაწირებიც თავიანთი შეხედულებისამებრ, გადაიხადონ ყოველწლიური საწევრო ბრუნვიდან გამომდინარე, არაუმცირეს **240** ლარი და არაუმეტეს **1000** ლარისა (საკითხი წყდება ინდივიდუალურად).

ნებისმიერი წევრისთვის საწევროების გადახდა შესაძლებელია ნაწილ-ნაწილ, შესაბამისი კვარტალური მოცულობით.